

**EKIDADI RASIAL Y ETNIKA  
PULITIKA DI PPSD**

<p><b>Krensa Jeral</b></p>	<p>Konselhu Eskolar di Providence ta akredita ma tudu alunos meresi ten ambientis di aprendizadu respeitozu na kual diversidadi rasial y etnika ta ser valorizadu y ta kontribui pa rizultadus akademikus bem susedidus pa tudu alunos. Konselhu ta akredita ma ekidadi y kompetensia kultural debi ser inkorporadu na tudu pulitikas y pratikas edukasional y di lokal di trabadju na Distritu Eskolar Publiku di Providence (“PPSD” ou “Distritu”).</p>
<p><b>Propozitu y Ambitu</b></p>	<p>Objetivu di pulitika di ekidadi rasial y etnika é garanti ki alunos di PPSD ten oportunidadis edukasional ekitativus pa djudas alkansa se maior potensial y priparas pa ten susesu na Liseus y Universidadis di pais y na prufison skodjedu.</p> <p>Pulitika di Igualdadi Rasial y Etnika ta difini kes izpetativas y istrategias pa iamina modi ki rasa, lingua y kultura ta afeta pratikas di tudu distritu y dizimpenhu akademiku inkluindu indikadoris sima taxas di graduason, taxas di suspenson y frekuensia.</p>
<p><b>Difinisons</b></p>	<p>Kes difinisons li é fornese pa djuda na komprienon di termos li dibaxu konformi uzadus na Pulitika di Ekidadi Rasial y Etnika.</p> <p><b>Ekidadi:</b> PPSD ta difini ekidadi sima fornese a alunos kes rikursos y suportis izkluzivus ki es mesti pa preni y alkansa na altos niveis y kria solusons pa garanti ki tudu alunos ta prospera akademikamenti sosialmenti imosionalmenti fizikamenti y na tudu dimensons di kultura. Komu kumunidade nu ta kompartilha responsabilidadi di aborda lakunas di oportunidadis ki izisti na nos sosiedadi y inpakita kapasidadi di nos alunos di alkansa tudu si potensial.</p> <p><b>Alunu/Alunos:</b> Tudus alunos di PPSD inkluidu, maz ka ta limita a alunos ku difisiensi, alunos ikonmikamenti disfavorsidus, alunos ku idadi riba di idadi maz ku kreditos insufisientis y alunos ki é ta preni lingua Ingles.</p>
<p><b>Diretrizis y Istrategias di Implementason</b></p>	<p>Superintendenti ta bai dizinvolvi rigulamentus administrativus y/ou planu pa implementa Pulitika di ekidadi Rasial y Etnika.</p> <p>Kes rigulamentus debi aborda kada un di es siguintis itens:</p>

## **1. Reviza Ekidadi di Prugramas na Tudu Distritu**

Pa infundi ekidadi na tudu pulitikas y pratikas di Distritu, PPSD ta bai:

- a) Konvoka un grupo di trabadju kuju membros debi rifliti diversus rasas y etnias dentu di skolas di Providence. Grupo di trabadju ta bai izamina perguntas y ta bai atxa solusons adaptativus ki ta aborda kauzas profundus y fundamentus sistemikus di diziguldadi devido a rasa/etnia identifikadus na nivel eskolar y distrital invez di solusons teknikas ki ta furnesi kuresons situasional pontual;
- b) Dizinvolvi kunhesimentu prufisional y kunpitensia kultural di kolaboradoris pa ki es podi identifika y implimenta pulitikas y pratikas di ekidadi rasial y etnika; y
- c) Ilimina pratikas ki ta kunsideradu dizigual y implimenta solusons proativas.

## **2. Istabelesi Sistemas di Ekidadi y Pratikas**

PPSD ta bai dizinvolvi y implimenta un planu di ekidadi rasial na tudu distritu ki ta inklui: Involvementu y Parserias Familiaris, Estudantil y Kumunitarias; Lideransa; y Ensino y Aprendizajen.

### a) Familia, Aluno, y Engajamentu y Parserias Kumunitarias

PPSD ta bai dizinvolvi y implementa pratikas ekitativas ku alunos, ses familias, parserus distrital y otus miembros di kumunidadi:

- (i) Buska intensionalmenti y inklui diversus perspectivas rasial y etnikas na dizinvolvementu y implimentason di pratikas y kurikulos di ensino y aprendizajen kulturalmenti rizponsivus;
- (ii) Involvi kes partis interesadus di familia y di kumunidadi ku funsionarios y alunos na instalasons di skola na dizinvolvementu di parserias ifikaz entri kaza, skola y kumunidadi; y
- (iii) Kunvida y inklui kes partis interesadus di kumunidadi pa furnesi diversus perspetivas kultural pa iamina y aborda pusivel problemas na midida ki es ta surji.

### b) Lideransa

Lideransa di PPSD ta bai garanti ki ekidadi ta guia tudu ses pratikas operasional en alinhamentu ku planu di Ason Afirmativu di Distritu:

- (i) Rikruta, inprega, apoia, avansa, reti y dizinvolvi kuntuamenti un forsa di trabadju di prufisional ku konsiensia rasial y kulturalmenti kunpitentis.
- (ii) Difini metas di kurtu y longu prazu pa rikruta, inprega, apoia, avansa, reti y dizinvolvi kuntuamenti un forsa di trabadju ki ta reflekti diversidadi rasial y etnika di alunos atendidu pa Distritu.

	<ul style="list-style-type: none"> <li>(iii) Modelajen di ekidadi na pratikas profisionais y operasionais; y</li> <li>(iv) Dizinvolti sistemas di responsabilidadi y metrikas ki ta midi y promovi un variedadi di rizultadus ekitativus.</li> </ul> <p>c) <u>Inxinamentu y Aprendizadu</u>  Korpu dosenti y ikipa di apoio di PPSD ta bai trabadja pa aumenta se habilidadi profisional y kapasidadi di inxina ifetivamenti un populason istudantil rasial y etnikamenti diversu:</p> <ul style="list-style-type: none"> <li>(i) Garanti un ambienti eskolar puzitivu y akademikamenti rigorozu ki ta involvi <i>tudu</i> alunos;</li> <li>(ii) Ta kolabora ku kulegas kria y inplementa pratikas instrusional, kurikulos y avaliasons personalizadus y kulturalmenti rizponsivus;</li> <li>(iii) Inplementa pratikas ki ta leba a rizultadus ekitativus entri alunos di difirentis orijens rasial y etnikas; y</li> <li>(iv) Buska intensionalmenti y inklui diversus perspectivas rasial y etnikas na dizinvolvimentu y implimentason di pratikas y kurikulos di ensino y aprendizajen kulturalmenti rizponsivus.</li> </ul>
Trenamentu, Supervizon y Komunikason	Superintendenti é rizponsavel pa dizinvolti y inplimenta un planu di Igualdadi Rasial y Etnika na tudu Distritu, ku metrikas klarus di responsabilidadi ki ta midi rizultadus ekitativus pa tudu alunos di PPSD. Superintendenti ta bai aprizenta regularmenti rilatorios sobri planu y rizultadus a Konselhu Eskolar di Providence y kumunidadi en jeral.
Konformidadi ku Leis, Rikizitus di Konfidensialidadi	Superintendenti ta bai garanti ki tudu funsionarios di PPSD y tudu kontratadus di PPSD kumpri integralmenti tudu kes leis, regras y rigulamentus ki ta aplika y tudu pulitikas di Konselhu. Na kazu di kualker parti di kualker pulitika ser ilegal, Superintendenti ta bai informa es iventu pa Diretoria sin ki pusivel y ta bai solisita pa Diretoria un modifikason di pulitika.
Referensia Kruzadu	Inisiativa di Homis di Kor di Providence Pulitika di Ason Afirmativu y Igualdadi di Oportunidadis (aprovason pendent)
Historiku	Revizon di Kumite di Pulitikas: 1 di Maio di 2017; 19 di Junho di 2017 Aprovadu pa Konselhu: 2 di Agostu di 2017